



Broj: 10/E-11-6200/24  
Sarajevo, 21-10-2024. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Opštinskog načelnika broj: 10-45-237/24 od 25.03.2024. godine, (u daljem tekstu: Komisija II), u postupku javne nabavke: Usluge unajmljivanja opreme video nadzora i alarmnog sistema za objekte od značaja za Općinu Centar Sarajevo (Zapisnik o pregledu i ocjeni ponuda broj: 10/E-11-6200/24 od 14.10.2024. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda ponuđača **Agencija za zaštitu ljudi i imovine "SWORD SECURITY" d.o.o. Sarajevo**, ulica Alipašina broj 83, 71000 Sarajevo, broj: 3604/P-10/24 od 10.10.2024. godine, za usluge unajmljivanja opreme video nadzora i alarmnog sistema za objekte od značaja za Općinu Centar Sarajevo, putem konkurentskog zahtjeva za dostavu ponuda, uz primjenu e-aukcije, sa cijenom u ukupnom iznosu od **20.776,00 KM bez PDV-a** (zbir jediničnih cijena za 8 mjeseci), odnosno **24.307,92 KM sa PDV-om** (zbir jediničnih cijena za 8 mjeseci).
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti okvirni sporazum na period od 8 (osam) mjeseci, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke usluga unajmljivanja opreme video nadzora i alarmnog sistema za objekte od značaja za Općinu Centar Sarajevo, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, uz primjenu e-aukcije, broj: 10/E-11-6200/24 od 25.09.2024. godine. Predmet nabavke nije podijeljen na lotove.

Obavještenje o nabavci 848-7-2-112-3-177/24 od 30.09.2024. godine; Ispravka za Obavještenje o nabavci 848-7-2-112-8-178/24 od 30.09.2024. godine i Ispravka za Obavještenje o nabavci 848-7-2-112-8-179/24 od 30.09.2024. godine, objavljeni dana 30.09.2024. godine na Portal javnih nabavki ([www.ejn.gov.ba](http://www.ejn.gov.ba)).

Procijenjena vrijednost javne nabavke iznosi **20.820,00 KM** bez PDV-a.

U krajnjem roku za predaju ponuda koji određen tenderskom dokumentacijom (14.10.2024. godine do 11:00 sati), na adresu Ugovornog organa primljena je 1 (jedna) ponuda dostavljena od ponuđača Agencija za zaštitu ljudi i imovine "SWORD SECURITY" d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon) Komisija II je u zakazano vrijeme pristupila javnom otvaranju pristigle ponude, i nakon što je utvrđena urednost dostave pročitana je cijena ponude kako slijedi:

R/b	Ponuđač	Ukupna cijena (KM) bez PDV-a (zbir jediničnih cijena za 8 mjeseci)	Popust	Ukupna cijena (KM) sa PDV-om (zbir jediničnih cijena za 8 mjeseci)
1.	Agencija za zaštitu ljudi i imovine "SWORD SECURITY" d.o.o. Sarajevo	20.776,00	/	24.307,92

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljena ponuda ponuđača Agencija za zaštitu ljudi i imovine "SWORD SECURITY" d.o.o. Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu odredaba Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija II je utvrdila da je podnesena ponuda računski ispravna, te da je ispravno obračunata ukupna cijena ponude sa PDV-om.

Nakon pregleda, Komisija II je izvršila analizu ponude prema kriteriju „najniža cijena“, u skladu sa članom 64. stav (1) tačka b) Zakona o javnim nabavkama:

Rang	Ponuđač	Ukupna cijena (KM) bez PDV-a (zbir jediničnih cijena za 8 mjeseci)
1.	Agencija za zaštitu ljudi i imovine "SWORD SECURITY" d.o.o. Sarajevo	20.776,00

Tenderskom dokumentacijom je predviđeno provođenje e-aukcije, što je navedeno i u Obavještenju o nabavci 848-7-2-112-3-177/24 od 30.09.2024. godine i Ispravci za Obavještenje o nabavci 848-7-2-112-8-179/24 od 30.09.2024. godine.

S obzirom na to da je Komisija II utvrdila da je primljena samo jedna prihvatljiva ponuda, e-aukcija se nije zakazala shodno članu 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23).

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

Ponuđača **Agencija za zaštitu ljudi i imovine "SWORD SECURITY" d.o.o. Sarajevo**, ulica Alipašina broj 83, 71000 Sarajevo, broj: 3604/P-10/24 od 10.10.2024. godine, sa cijenom u ukupnom iznosu od **20.776,00 KM bez PDV-a** (zbir jediničnih cijena za 8 mjeseci), odnosno **24.307,92 KM sa PDV-om** (zbir jediničnih cijena za 8 mjeseci), kao najpovoljnije za nabavku usluga unajmljivanja opreme video nadzora i alarmnog sistema za objekte od značaja za Općinu Centar Sarajevo, sa kojim će biti zaključen okvirni sporazum na period trajanja od 8 (osam) mjeseci.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH”, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Dokaz o plaćenju naknadi za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda  
broj: 10/E-11-6200/24 od 14.10.2024. godine



#### **Dostaviti:**

1. Ponuđaču: Agencija za zaštitu ljudi i imovine "SWORD SECURITY" d.o.o. Sarajevo  
ulica Alipašina broj 83, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis